


I Bayibuli iye babaana
ikhureerera

Imbuka isi Wele
aakholela buli
shiindu



Byaronebwa ni: Edward Hughes

Byaloosebwelakho ni: Byron Unger; Lazarus
Alastair Paterson

Byan'gan'gasibwa ni: Bob Davies; Tammy S.

Byaayusibwa ni: Rev Eridad Milton Shissa


Byaarusibwa ni: Bible for Children
www.M1914.org

©2020 Bible for Children, Inc.

I Layisiinsi: Uli ni buubalaayi khuukoopolola namwe khuukhupisamwo
luukano luno, n'uuba nga s'uuli khuutsya khuulukulisa ta.



Naanu uwakhubuumba ifwe? I Bayibuli,
nga niyo Ilomo ya wele, ikhubooelela ifwe isaambo
isi babaandu baarakikhamwo. Khaalekho, Wele
aambuumba umuundu uwanyoowa, aryo
waamwiikha lisiina ari Adamu.




Wele aabuumba Adamu khukhwaama mwifukhuulu
lye khu shibala. Ne Wele n'aaheela kumuukha kwe
buulamu mu Adamu, Adamu ekela umuundu umulamu.


Aryo wenyoola nga ali mu mukuunda kumulayi
kweesi balaanga bari Edeni.



Wele nga ashiili khuubuumba Adamu ta, aanyoowa
khuubuumba shiibala shiilayi shishiitsuulemwo
bibiindu biilayi swaa busa.




Wele waatsya nga abuumba shitweela khu shitweela,
waarawo biifwo bye tsingoongo, ni biifwo bye
kumusaaleela, biimuli bibiiwunya buulayi, ni kimisaala
kimileeyi, binywiinywi bye tsiraangi khu mooya
kaabyo ke tsisaambo tsitsiikhali ndweela ta,
ni ntsukhi ikeenda nga iwuma,




kamanyeeni kamaboofu
ni tsiihuumuniyu
tsitsarerera.

Mwilala, Wele aabuumba buli shiindu shyoosi
shishiiliwo – Buli shiindu shoosi.



Mu khurakikha
khukhweene, nga Wele
ashiili khuubuumbayo
shishiindu shoosi
ta, siyabawo
shishiindu shoosi
ta, khuurusakho
Wele umweene
yenyene. Siyabawo
babaandu namwe
shishiindu shoosi ta.




Mbaawo shoosi ta.

Nga mbaawo buwaanga
namwe shishiilima ta.

Nga mbaawo khuuniina
nga khukhwiikhilila
ta. Nga mbaawo
ingoloobe namwe
kumukaamba ta.

Wele yenylene
niye uwabawo,
ukhaabakho ni
buurakikhilo ta.


Nio lwanyuma Wele
waabakho ni sheesi
akhola.




Mu khurakikha, Wele aabuumba
liikulu ni shibala.




Ni shibala shaba
shaayikoyakoya
busa nga
mbaawo
shiindu
shiilamu
ta.




Ni shishiilima shaba
shaabiimbilila buli aandu
oosi khu ngaaki
khwasho. Nio
Iwanyuma Wele
waakanikha,
"Ni abewo
buwaanga."



Buwaanga bwaaburukha. Kila wele alaanga Buwaanga
ari Kumuusi, ni shishiilima waashilaanga ari Shiilo.
Aryo antsye bwelabula, luundi bweelayo bwaasha
kumutikhinyi, ishyo shifukhu shiikibooke.



Khu shifukhu she khaabili, Wele aareera kameetsi
ke mu mayaantsa, tsinyaantsa ni buyaantsa atweela
aasi e likulu. Khu shifukhu she khaataru, wele
waaloma ari, "Lekha lulwoomu lubonekhe."
Shiryo shaakholekha.



Luundi Wele waalakila buunyaasi ni bimuli, ni bitsakha,
ni kimisaala, bibonekhe. Biryo byoosi byaabonekha.


Aryo antsye bwelabula luundi
bwaasha kumutikhinyi,
shaaba shifukhu
she khaataru.



Nio Iwanyuma Wele waakhola
Inyaanga, ni kumweesi, ni tsinieniesi
swaa busa tseyeesi umuundu yeesi
akhanyala waabala na khubala ta.
Aryo antsye bwelabula luundi
bwaasha kumutikhinyi, shaaba
shifikhu she khaane.




Bibuumbe bye mu nyaantsa,
ni tsinyeeni, ni binywiinywi
nibyo bibyeelakho byeesi
Wele aabuumba. Khu
shifukhu she khaaraano,
Wele aabuumba kunyeeni
kukuufuurayo buuboofu,
ni bunyeeni buukeekhe,
kiminywiinywi
kikyekaangukha mu
ngaaki tsinyoofwe, ni
bunywiinywi namyeenya
buukeekhe.



Wele waabuumba buli
shikuuka shoosi she
tsinyeeni, khuulyalyakhana
mu meetsi koosi, na buli
saambo iye binywiinywi
khukhwiinyayila khu
shibala, ni khu meetsi,
ni mwibaanga lye likulu.
Aryo antsye bweelabula,
luundi bweelayo bwaasha
kumutikhinyi, shifukhu
she khaaraano.



Lwanyuma lweebyo, Wele waakanikha luundi.
Kwa luno waaloma ari, "Khayo shiibala shisaale
bibuumbe biilamu..." biryo nio buli shikuuka sha buli
solo, ni bikuuku, ni bibyalaamila aasi khwiloba
byeetsawo. Mu bino mwabamwo tsintsofu
tsitsiisindokoma khu shibala ni buusolo bukeekhe
bubwiiliikuusa eyi ni neeyi.




Nga waareerekho ni tsikhobe, ni tsikoonya.
Urekho ni kamakhanu, ni buubeba bwoosi,
waambuumbayo ni tsitiika ni bupusi bubwiinyahaka.
Isolo iya buli saambo yoosi yabuumbibwa ni Wele
ku shifukhu isho.


Indi luundi antsye bweelabula, luundi bwaasha
kumutikhinyi shifukhu she khaasesaba.



Wele ndi waakhoolayo shishiindu shishiindi
khu shifukhu she khaasesaba - shishiindu sha
buraawa naabi. Khu mbuka yino buli shiindu shaba
shaarekekhebwele khu
lw'omuundu. Biilyo
byabawo mu mikuunda,
ni tsisolo tsyeene
khuumwakaanisatsaka.



Luundi ndi Wele waaloma ari, "Ari khakhukholeyo
umuundu mu shifwaani sheefwe shisheene. Khayo
umweene yuno abe niye uwula buli shiindu shoosi
shishiili khu shibala." ARYO WELE WAABUUMBA
UMUUNDU MU SHIFWAANI
SHEEWE SHISHEENE; MU
SHIFWAANI SHEEWE
SHISHEENE, NIMWO
MWEESI WELE
AABUUMBILA
UMUUNDU ...

A colorful illustration in the background shows a bearded man with a brown beard and hair, wearing a green loincloth, standing behind a green bush. He is pointing his right arm upwards towards the sky. In the foreground, a brown squirrel with a bushy tail is sitting on a green mound of earth, looking up at the man. The scene is set against a bright blue sky.

Kila Wele akanikha isi
Adamu ari, "Lya buli
shiindu shoosi sheesi
ukana khukhwaama
mu mukuunda.
Ne ukhalyakho
khu kusaala kwe
khuumanya shiilayi
ni shiibi ta. Nga
weetsile khulyakho
khu kusaala ukwo,
ilala ukhaafwe."



Luundi ndi Umukasya Wele waaloma ari, "Sishili shiilayi umuundu/umusaani khuuba yenyene. Indy kane imukholeleyo umuyeeti umwaakhila." Aryo waareerera Adamu binywiinywi ni biisolo. Naye aryo Adamu waabitwiikhaka kamasiina byoosi.




Shinyalikha khuuba nga aaba umusaani umukesi
naabi. Ne khu binywiinywi byoosi ni biisolo byeene,
mbaamwo shyeesi aanyoolamwo
nga shaakhila khuuba she
khuubeesabeesa
isi Adamu ta.




Aryo Wele waareererera Adamu liilo nameyiriira lilyeene. Aryo Wele nga waarusilemo lutweela khu mbafu tsya Adamu, waalubuumbamwo umukhasi.

Umukhasi uyo isi Wele aabuumba aabeela ilala uwakhuuba umuyeeti isi Adamu.



Aryo Wele waaba waabuumbile bibiindu byoosi
mu bifukhu bisesaba byonyene. Kila awa
tsikhabi shifukhu shye Kumusaafu,
waalwikelisa shifukhu shye khuuwolakho.
Mu mukuunda kwa Edeni, Adamu ni Eve
umukyelama weewe, baaba ni kumwikhoyo
kumwitsufu kwe khuuwuliilisa byeesi
Wele aloma. Wele aaba niye

Umukasya waabwe,

A colorful illustration depicting a scene from the Garden of Eden. In the foreground, Adam and Eve are shown from the waist up. Adam has dark brown hair and a full brown beard; he is looking slightly to his right with a neutral expression. Eve has long, wavy brown hair and is looking directly at the viewer with a gentle expression. They are standing on a green, grassy hill. In the background, there are stylized green hills under a clear blue sky. Two brown monkeys are visible on the left side of the hill. A large green tree with red flowers is on the right side. The overall style is cartoonish and colorful.

umuwaani waabwe luundi
Umusaale waabwe.



Imbuka isi Wele aakholela buli shiindu

Luukano khukhwaama mu Lomo ya Wele,
I Bayibuli

Inyoolekhana mu

Khuurakikha 1-2

"Biilomo byoowo nga byeenjiile bireera
buwaanga." I Zabuli 119:130





Intasakamwo



Luukano Iwe Bayibuli luno lukhuboolela ifwe bibiihaamba
khu Wele weefwe umukhulu, uwakhubuumba ifwe naluundi
uukhukana iwe umumanye niye.

Wele waamanya ari ifwe khukhola bibiindu biibi biikali, byeesi niye
umweene alaanga ari bibyoonaako. Shitaambiso shye bibyoonaako nikhwo
khuufwa, ne Iwekhuuba Wele akhukana iwe naabi, waarumana Umwaana
weewe Mutweela Yenyene, Yesu Kristo, khukhwiitsa khuukhufwiilila khu
musalaba, aryo niye waataambisibwa Iwe bibyoonaako byoowo. Lwanyuma
Yesu waalamukha khukhwaama mu bafu weelayo Mwikulu! Iwe n'ufukiilisa
Yesu, waamuloomba khuukhwiyakhila bibyoonaako byoowo, kane ashikhole!

Niye Umweene kane eetse, amenye mwiiwe aluno ari,
ni nawe umenye ni naye biilo ni biilo.

N'uuba nga waafukiilisile uri buno buli bwan'gali, loma shino isi Wele:
O Yesu, ifukiilisa indi iwe uli wele, ne wekyela umuundu khuufwa Iwe
bibyoonaako byase, ni na ari uliwo umulamu luundi. Ari yinjila mu bulamu
bwase, wiakhile bibyoonaako byase, nio inyalise khuuba ni buulamu
bushaakha alunaari, nio lube lutweela niitse imbe ni nawe biilo ni biilo.

N'unjeete imbe uwuliilisa byeesi uloma, imbewo khulwoowo
nga umwaana woowo. Amiina.

Soma I Bayibuli, ukankhatsake ni Wele buli bushee! Yokana 3:16

